

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 253406 24 St
Zenica, 03.09.2025. godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja "EMA COMPANY" d.o.o. Tešanj, Društvo za promet i usluge, ul Titova b.b. Jelah, Tešanj, za provođenje stečajnog postupka nad navedenim društvom, nakon provedenog ročišta 05.06.2025. godine, kome su prisustvovali privremeni stečajni upravitelj Haris Vehab i direktor društva Merisa Šeljmo, donio je 03.09.2025.godine sljedeće:

R J E Š E N J E

Otvara se i zaključuje stečajni postupak nad društvom "EMA COMPANY" d.o.o. Tešanj, Društvo za promet i usluge, ul Titova b.b. Jelah, Tešanj, zbog nepostojanja imovine za namirenje troškova postupka, te se nalaže brisanje ovog društva iz sudskog registra zavedenog pod brojem 43-01-0043-11, a po pravomoćnosti ovog rješenja.

O b r a z l o ž e n j e

Stečajni dužnik je kao predlagatelj dana 20.11.2024. godine podnio prijedlog za otvaranje stečajnog postupka. Rješenjem br. 43 0 St 253406 24 St od 11.03.2025. godine određeno je pokretanje prethodnog stečajnog postupka i za privremenog stečajnog upravitelja je imenovan Haris Vehab.

Da bi utvrdio stečajne razloge iz čl. 6. Zakona o stečaju (Sl. novine F BiH, broj: 53/21), sud je zakazao ročište za utvrđivanje uvjeta za otvaranje stečajnog postupka.

Ročište za utvrđivanje uvjeta za otvaranje stečajnog postupka održano je dana 05.06.2025.godine kome su prisustvovali, za predlagatelja i protupredlagatelja direktor Merisa Šeljmo i privremeni stečajni upravitelj Haris Vehab, sa liste stečajnih upravitelja.

Privremeni stečajni upravitelj Haris Vehab je na ročištu za utvrđivanje uvjeta za otvaranje stečajnog postupka izjavio da je nakon prijema rješenja o imenovanju, izvršio obilazak mjesta koje je u sudskom registru označeno kao sjedište firme, ul. Titova bb, Jelah, kojom prilikom je utvrdio da na poslovnim prostorijama i prostoru ispred poslovnih prostorija nema natpisa koji bi upućivali na to da je na toj adresi sjedište firme i da stečajni dužnik tu obavlja poslovne djelatnosti.

Izjavio je da iz razgovora sa direktorom društva i na osnovu dokumentacije koja mu je bila na raspolaganju utvrdio da je društvo osnovano 2011.godine, da je pretežna dodijeljena djelatnost društva bila trgovina motornim vozilima, ali se društvo pretežno bavilo uslugama šivanja gotovih proizvoda, da je poslovanje društva u potpunosti obustavljeno, da je posljednje poslovne aktivnosti društvo ostvarilo u 2015. godini, da direktor društva nije u radnom odnosu i da društvo nema ni jednog zaposlenog radnika, da društvo ima 2 transakcijska računa koji su blokirani radi nemogućnosti društva da izvršava svoje dospjele novčane obaveze, da društvo ima dug po osnovu javnih prihoda, da je posljednji finansijski izvještaj sačinjen za potrebe pokretanja stečajnog postupka, a odnosi se na period od 01.01.2024.godine do 30.09.2024.godine, da je za raniji period dostupan samo finansijski izvještaj za period 01.01.2011.godine do 31.12.2011.godine, da društvo nema vlastito knjigovodstvo, a nema ni zaključen ugovor sa knjigovodstvenom agencijom za obavljanje računovodstvenih poslova. Izjavio da Analizom bilansa uspjeha za period od 01.01.2024. godine do 30.09.2024.godine je utvrđeno da u

navedenom periodu društvo nije ostvarilo nikakve poslovne prihode, da su za isti period poslovni rashodi iznosili 28,659,00 KM i odnose se na finansijske rashode (ostali finansijski rashodi), da je za isti period dobit društva iznosila 0,00 KM, te da za isti period gubitak društva iznosi 28.659,00 KM, iz navedenog proističe da je u periodu od 01.01.2024.godine do 30.09.2024.godine društvo ostvarilo gubitak u poslovanju u iznosu od 28.659,00 KM, a u prethodnom periodu od 01.01.2023.godine do 31.12.2023.godine društvo nije ostvarilo nikakve prihode, rashodi su u istom periodu iznosili 0,00 KM tako da je društvo na kraju tog perioda ostvarilo ukupan poslovni rezultat od 0,00 KM. Istakao je da prema bilansu stanja na dan 30.09.2024.godine prikazana je ukupna aktiva ili imovina društva u iznosu od 0,00 KM, a analizom bilansa stanja utvrđeno je da društvo nema kratkoročne imovine, nema zaliha, sirovina, materijala, roba, gotovih proizvoda, niti ima potraživanja od kupaca, kao i da društvo nema dugoročne imovine, nema postrojenja, opreme, namještaja, transportnih sredstava, nematerijalne imovine, niti ostale dugoročne imovine, kao i da ukupan kapital društva iznosi -28.659,00 KM, vlasnički kapital iznosi 2.000,00 KM, akumulirani nepokriveni gubitak iz ranijeg perioda iznosi 2.000,00 KM, gubitak tekućeg perioda iznosi 28.659,00 KM, što znači da je društvo ostvarilo ukupan gubitak u iznosu od 30.659,00 KM, a da gubitak iznad visine kapitala iznosi 28.659,00 KM, a da je gubitak na kraju 2023.godine iznosio 2.000,00 KM. Izjavio je da prema Bilansu stanja na dan 30.09.2024.godine iskazana je ukupna pasiva ili obaveze društva u iznosu od 28.659,00 KM, a sastoje se u potpunosti od kratkoročnih obaveza u iznosu od 28.659,00 KM, koje se odnose na ostale obaveze uključujući i razgraničenja.

Naveo je da prema Uvjeranju Porezne uprave F BiH, Porezna ispostava Tešanj, stečajni dužnik „EMA COMPANY“ d.o.o. Tešanj na dan 17.10.2024.godine ima iskazan javni dug po osnovu neplaćenih javnih prihoda u iznosu od 28.659,16 KM, a koji se odnose na poreze, doprinose, komunalnu naknadu za istaknutu firmu i novčane kazne za prekršaje, te da društvo nema iskazanih obaveza prema dobavljačima, a nema iskazanih ni dugoročnih finansijskih obaveza.

Naveo je da je stečajni dužnik platežno nesposoban jer duže od 60 dana neprekidno ne izmiruje svoje dospjele novčane obaveze, nije u stanju da izvršava svoje dospjele i potraživane obaveze plaćanja, a račun stečajnog dužnika je blokiran duže od 60 dana neprekidno, zbog čega su u smislu člana 6. Zakona o stečaju nastupili razlozi za otvaranje stečajnog postupka nad stečajnim dužnikom.

Izjavio je da društvo ne može ni djelimično niti u cijelosti izmiriti potraživanja povjerilaca, a što se tiče imovine, društvo nema iskazanih potraživanja prema kupcima, nema pokretne ili nepokretne imovine iz koje bi se mogla formirati stečajna masa ni za podmirenje troškova stečajnog postupka, a dokaz za to su: Potvrda ZK ureda Općinskog suda u Tešnju br. 039-0-RZ-25-000893 od 01.04.2025. godine, Uvjerenje Službe za urbanizam, katastar i geodetske poslove Općine Tešanj br. 06-26-7-1633/25-2 od 01.04.2025. godine, Obavještenje MUP-a ZDK, Odsjek za administraciju Tešanj br. 08-01-02/13-03-7-1542/25 od 03.04.2025. godine, Potvrda Sparkasse bank d.d. BiH od 16.12.2024.godine.

Privremeni stečajni upravitelj je predložio, imajući u vidu obim iskazanih obaveza i nepostojanje imovine stečajnog dužnika, da sud u skladu sa članom 102. st. 7. Zakona o stečaju javnim pozivom pozove povjerioce i zainteresovana lica da u roku od 30 dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, te da ukoliko u ostavljenom roku povjerioci i zainteresovana lica ne predlože otvaranje stečajnog postupka i ne uplate predujam, sud na osnovu člana 102. st. 8. donese rješenje kojim će otvoriti i odmah zaključiti stečajni postupak nad privrednim društvom „EMA COMPANY“ d.o.o. Tešanj, te odrediti brisanje društva iz sudskog registra po pravosnažnosti istog.

Predlagatelj je na ročištu izjavio da se ne protivi prijedlogu privremenog stečajnog upravitelja.

Zaključak je da društvo nema imovine koja bi mogla biti predmetom stečajne mase, s obzirom da isto proizilazi iz Izvještaja privremenog stečajnog upravitelja i Posebnog izvještaja privremenog stečajnog upravitelja, Potvrda ZK ureda Općinskog suda u Tešnju br. 039-0-RZ-25-000893 od 01.04.2025. godine, Uvjerenje Službe za urbanizam, katastar i geodetske poslove Općine Tešanj br. 06-26-7-1633/25-2 od 01.04.2025. godine, Obavještenje MUP-a ZDK, Odsjek za administraciju Tešanj br. 08-01-02/13-03-7-1542/25 od 03.04.2025. godine i Potvrda Sparkasse bank d.d. BiH od 16.12.2024.godine.

Zbog svega navedenog zaključak je da društvo "EMA COMPANY" d.o.o. Tešanj, Društvo za promet i usluge, ul Titova b.b. Jelah, Tešanj, ne posjeduje nikakvu imovinu, te da postoji stečajni razlog za pokretanje stečajnog postupka, ali da imovina društva nije dovoljna da pokrije troškove stečajnog postupka.

Kako stečajni dužnik ima obveze, a nema imovine pa ni za troškove stečajnog postupka, a zainteresirane osobe ni po proteku roka ostavljenom u rješenju donesenog od strane ovog suda nisu predujmila novčani iznos za pokrivanje troškova stečajnog postupka, to je primjenom odredbe čl. 102. stav 8. Zakona o stečaju, („Sl. Novine F BiH“ broj: 53/2021), odlučeno kao u izreci ovog rješenja.

Ovim rješenjem određeno je otvaranje i istovremeno zaključenje stečajnog postupka i brisanje ove pravne osobe iz sudskog registra.

PRAVNA POUKA:

Protiv ovog rješenja dopuštena je žalba Kantonalnom sudu Zenica u roku od 8 dana, putem ovog suda, od dana prijema rješenja.

Stečajna sutkinja
Sanja Pavlić